

2013-imi aalisarnermi pisassiissutit pillugit Namminersorlutik Oqartussat nalunaarutaat nr. 4, 28. februar 2014-imeersoq Atuussimasoq (Historisk)

Aalisarnej pillugu Inatsisartut inatsisaanni nr. 18-imi 31. oktober 1996-imeersumi § 5-imi, imm. 1, § 9, imm. 1, § 10, § 14, imm. 2, § 33, imm. 2 aamma 3, aamma § 34, imm. 3, Inatsi-sartut inatsisaatigut nr. 5-ikkut 21. maj 2002-meersukkut allanngortinneqartumi, kingullermillu Inatsisartut inatsisaatigut nr. 5, 4. juni 2012-meersukkut allannguuteqartinneqartumi, makku aalajangersarneqarput:

Atuuffia

§ 1. Nalunaarummi sumiiffiit taaneqartut WGS84 naapertorlugu nalunaarsorneqarput, imar-tat assinginut Kalaallit Nunaannut atuuttunut iluarsissutinik iluarsisarlugit.

§ 2. Nalunaarut manna imartami Kalaallit Nunaata aalisarnikkut oqartussaaffigisaani inuus-sutissarsiutigalugu aalisarnermut kiisalu imartani Kalaallit Nunaata aalisarnikkut oqartussaaf-figisaasa avataanni kalaallit inuusutissarsiutigalugu aalisarnerannut atuuppoq.

§ 3. Nalunaarummi matumani angallatip usitussutsimut killigittamik qaangiisimaneranut ataassisimanerannulluunniit aalajangiisuusaaq usitussutsip angallatip uuttuutaanut uppernar-saammi allassimanera. Uuttueriaatsit pillugit maleruagassat sorliit angissusaannut uuttuum-mik atulersitsinermut tunngaviliisuusimanersut apeqqutaatinnagit.

Nassuiaatit

§ 4. Nalunaarummi matumani "imartap Kalaallit Nunaata aalisarnikkut oqartussaaffigisaa-ni" aamma "tunngaviusumik killeqarfik" paasineqassapput tunngaviusumik killeqarfittut imartat Kalaallit Nunaata aningaasaqarniarnikkut immikkut oqartussaaffigisaasa kingusin-nerusukkut allanngortinneqarsimasukkut Statsministeriaqarfiup nalunaarutaani aalajanger-sarneqarsimasut.

§ 5. "Avataasiorluni aalisarnertut" paasineqassaaq imartami Kalaallit Nunaata aalisarnikkut oqartussaaffigisaani tunngaviusumik killeqarfinit 3 sømilip avataani kiisalu imartami Kalaa-llit Nunaata aalisarnikkut oqartussaaffigisaata avataani aalisarnej ingerlanneqartoq. Avataa-siorluni aalisarnej angallatinik usitussutsimut uuttuut malillugu 75 BRT/120 BT-mik angissu-silinnik anginerusunilluunniit ingerlanneqartoq, nalunaarummi allami allanik aalajangiisoqar-simatinnagu.

Imm. 2. "Sinerissamut qanittumi aalisarnertut" paasineqassaaq aalisarnej angallatinik usi-tussutsimut uuttuut malillugu 75 BRT/120 BT-mik mikinerusunit ingerlanneqartoq, nalunaa-rummi allami allanik aalajangiisoqarsimatinnagu.

§ 6. Uiluinniarnermi sumiiffiit pisassiissuteqarfiit imatut aalajangersarneqarput:

- 1) Nuup - eqqaa: Sumiiffik $63^{\circ}45'0N$ -ip aamma $64^{\circ}21'5N$ -ip akornanniittoq kiisalu sumiiffik Nuup Kangerluani $64^{\circ}21'5N$ -ip avannaaniittoq.
- 2) Aqajarua: Sumiiffik titarnermit $51^{\circ}40'V$ -imit Qeqertarsuarmut $69^{\circ}35'N$ -ip aamma $69^{\circ}50'N$ -ip akornanniittoq. .
- 3) Attup - eqqaa: - Sumiiffik $53^{\circ}00'V$ -ip aamma $54^{\circ}00'V$ -ip akornanniittoq kiisalu $67^{\circ}50'N$ -ip aamma $68^{\circ}10'N$ -ip akornanniittoq. Taamaattorli sumiiffik una aalisarfigineqarnissamut matu-saavoq: Sumiiffik killiliussanik makkunanga killeqarfeqartinneqarpoq $68^{\circ}05'N - 54^{\circ}45'W$, $68^{\circ}05'N - 53^{\circ}00'W$, $67^{\circ}55'N - 53^{\circ}00'W$ aamma $67^{\circ}55'N - 53^{\circ}45'W$.
- 4) Sisimiut - Kujataa (Saqqaq): Sumiiffik imartap aalisarnikkut oqartussaaffigisap tunngaviu-sumik killinganut kimmur killilik; avannamut imartap aalisarnikkut oqartussaaffigisap tunnga-viusumik killinganiit kangimut $66^{\circ}55'5N$ -ip Sisimiut kujataanni nunaviup tungaanut; kujam-mut imartap aalisarnikkut oqartussaaffigisap tunngaviusumik killinganiit kangimut $66^{\circ}36N$ -imut nunaviup tungaanut.
- 5) Sisimiut - Avannaa (Kangaarsuk): Sumiiffik imartap aalisarnikkut oqartussaaffigisap tunngaviusumik killinganut kimmur killilik; avannamut imartap aalisarnikkut oqartussaaffigisap tunngaviusumik killinganiit kangimut $67^{\circ}20'N$ -ip nunaviup tungaanut; kujammur imartap aalisarnikkut oqartussaaffigisap tunngaviusumik killinganiit kangimut $66^{\circ}55,5N$ -ikkur nuna-viup tungaanut.
- 6) Nassuttooq: Sumiiffik imartap aalisarnikkut oqartussaaffigisap tunngaviusumik killinganut kimmur killilik; avannamut imartap aalisarnikkut oqartussaaffigisap tunngavisumik killinga-niit kangimut $67^{\circ}35'N$ -ip nunaviup tungaanut; kujammur imartap aalisarnikkut oqartussaaffigisap tunngaviusumik killinganiit kangimut avannarpasissutsikkur $67^{\circ}20'N$ -ikkur nunaviup tungaanut. Kangimur killinga tassaavoq sinerissap immamur killinga.
- 7) Kitaata sinnerani: Pisassiissuteqarfiit taaneqartur sinneri Kalaallit Nunaata kitaata avataa-niippur. Sumiiffimmi tamaani pisassiissutit qummur killeqanngillat.

§ 7. Sinerissap qanittuani qaleralinniarnermi sumiiffiit pisassiissuteqarfiusur imatut aala-jangersaavigineqarsimappur:

- 1) Sumiiffik aqutsivigineqartoq Upernavik. Sumiiffik aqutsivigineqartoq Upernavik imatut nassuarneqarpoq, sumiiffittur $71^{\circ} 30 N$ -ip avannarpasinnerusuaniittutur aamma $75^{\circ} 00 N$ -ip kujasinnerusuaniittutur.
- 2) Sumiiffik aqutsivigineqartoq Uummannaq. Sumiiffik aqutsivigineqartoq Uummannaq imatut nassuarneqarpoq, sumiiffittur $70^{\circ} 30 N$ -ip avannarpasinnerusuaniittutur aamma $71^{\circ} 30 N$ -ip kujasinnerusuaniittutur. Sumiiffiup $70^{\circ} 30 N$ -ip kujataatungaani aalisartoqarsinnaavoq taamaallaalli Qarajap kangerluani sermilimmi (Ikerasaap sullua). Ilanngullugu sumiiffiup $71^{\circ}30N$ -ip avannaatungaani kangerlunni aalisartoqarsinnaavoq, eqqornerusumik taallugu kangerlunni: Nuugaatsiap Imaa, Kangigdleq, Salliarutsip Kangerlua, Uvkusissat Kangerlua, Kangiussap imâ, Umîviup Kangerlua aamma Nûgâtsiap tunua.
- 3) Sumiiffik aqutsivigineqartoq Qeqertarsuup Tunua. Sumiiffik aqutsivigineqartoq Qeqertarsuup Tunua imatut nassuarneqarpoq, sumiiffiup $68^{\circ} 00N$ -ip avannarpasinnerusuaniittutur aamma $70^{\circ} 30N$ -ip kujasinnerusuaniittutur..

4) Kalaallit Nunaata avataani pisassiiffiusut nr. 1-imiit 3-mut, taagorneqartoq sumiiffik aqutsivigineqartoq Kalaallit Nunaata sinnera.

Pisat annertussusaat

§ 8. Avataasiorluni aalisarnermi pisat tamarmiusut kiisalu Aalisarneq pillugu Inatsisartut inatsisaanni § 7-imi aalisarnerit taaneqartut, ilanngussami 1-imi, kolonne 1-imi takuneqar-sinnaapput.

Imm. 2. Sinerissamut qanittumi aalisarnermi pisat tamarmiusut, ilanngussami 2-mi takuneqarsinnaapput.

Imm. 3. Ukiup ingerlanerani allannguisoqarsinnaavoq, Aalisarneq pillugu Inatsisartut inatsi-saanni § 10 naapertorlugu.

§ 9. Aalisakkanik ilanngussaq 1-imi taaneqartunik kalaallit angallataat, ilanngussami 1-imi kolonne 2-mi, allassimasunit pisassiissutinit annertunerusunik aalisassanngillat, Aalisarneq pillugu Inatsisartut inatsisaanni § 6, naapertorlugu,

§ 10. Aalisakkanik ilanngussaq 2-mi taaneqartunik, kalallit angallataat, ilanngussami 2-imi, kolonne 1-mi allassimasunit pisassiissutinit annertunerusunik aalisassanngillat, Aalisarneq pillugu Inatsisartut inatsisaanni § 6, naapertorlugu.

§ 11. Angallatit nunani EU-mut ilaasortaasutut nalunaarsorneqarsimasut ilanngussami 1-imi kolonne 3-mi, pisassiissutit katillugit allassimasut taamaallaat aalisarsinnaavaat.

§ 12. Angallatit Savalimmiuni nalunaarsorneqarsimasut ilanngussami 1-imi kolonne 4-mi, pisassiissutit katillugit allassimasut taamaallaat aalisarsinnaavaat.

§ 13. Angallatit Islandimi nalunaarsorneqarsimasut ilanngussami 1-imi kolonne 5-imi, pisassiissutit katillugit allassimasut taamaallaat aalisarsinnaavaat.

§ 14. Angallatit Norgemi nalunaarsorneqarsimasut ilanngussami 1-imi kolonne 6-imi, pisassiissutit katillugit allassimasut taamaallaat aalisarsinnaavaat.

§ 15. Angallatit Ruslandimi nalunaarsorneqarsimasut ilanngussami 1-imi kolonne 7-imi, pisassiissutit katillugit allassimasut taamaallaat aalisarsinnaavaat.

§ 16. Angallatinut §§-ini 9-miit 15-imut taaneqartunut akuersissutinit amerlassutsit atuuf-fissallu, Aalisarnermut Naalakkersuisup tunniussai pisassiissutit amerlassusiinut naapertuu-tissapput, tunniussinerlu angallatit taaneqartut aalisarsinnaassusiat eqqarsaatigalugu pissaaq, Aalisarsinnaannermut akuersissuteqartarneq pillugu Namminersorlutik Oqartussat nalu-naarutaat naapertorlugu. .

Aalisarnermik unitsitsineq

§ 17. Aalisarnermut Naalakkersuisup pisassiissutit ilanngussani 1-imi 2-milu taaneqartut

pisarineqarpata aalisakkanik pineqartunik aalisarnej angallatinut ataatsimoortunit tamanit §§-ini 9-miit 15-imut taaneqartunit ingerlanneqartoq unitsissavaa. Nunanut ataasiakkaanut pias-siissutit tamarmik immikkut naatsorsorneqartassapput. Matumunnga atatillugu EU nunatut ataatsitut isigineqarpoq.

Imm. 2. Kalaallit angallataataannut pisassiissutinik ataatsimoorussanik aalisartunut, aalisar-nerup unitsinneqarnissaanut piffissaliussaq radiukkut tusagassiorfitsigullu nalunaarutigine-qassaaq.

Imm. 3. §§ 9-15 naapertorlugit angallatinut tamanut unitsitsinissamik piffissaliussaq tele-xikkut imaluunniit telefaxikkut angallammut pineqartumut nalunaarutigineqassaaq. Angalla-tinut EU-mi angerlarsimaffeqartunut tamanut nalunaarut taamatuttaaq EU-Kommissionimut nassiunneqassaaq. Kalaallit angallatiginngisaannut allanut taamatut nalunaarut nunap pineqar-tup aalisarnikkut oqartussaasuinut aamma nassiunneqassaaq.

Imm. 4. Angallatit aalisarunnaassapput piffissami Aalisarnermut Naalakkersuisup aalajangi-gaani.

Pineqaatissiissutit

§ 18. §§-ini 9-miit 15-imut § 17, imm. 4-mi unioqqutsitsinerit akiliisitsinermik kinguneqar-sinnaapput.

Imm. 2. Aktiaatqeqarluni ingerlatseqatigiiffik, piginneqataassuteqarluni ingerlatseqatigiiffik, piginneqatigiiffik imaluunniit piginneqatigiilluni umiarsuaatileqatigiiffik unioqqutitsippat ingerlatseqatigiiffik taannaatillugu akiliisitassatut akisussaasunngortinneqarsinnaavoq.

Imm. 3. Pinerluttulerinermi inatsimmi arsaarinnitarnej pillugu malittarisassat taamatuttaaq atornejarsinnaapput.

Atuutilerfia

§ 19. Nalunaarut ulloq 6. marts 2014-imi atuutilerpoq. Peqatigitillugu 2012-mi aalisarnermi pisassiissutit pillugit Namminersornerullutik Oqartussat nalunaarutaat nr. 6, 22. marts 2012-meersoq atorunnaarsinneqarpoq.

Namminersorlutik Oqartussat, ulloq 28. februar 2014

Finn Karlsen

/

Jørgen Isak Olsen